

天  
啓  
眞  
志

滇志卷之三十三

搜遺第十四之二

補藝文

三代以來語文苑者祖遷稱固然班生固攬無太史  
公之奇其躬履西南歸而叙傳後勁數語漢書不能  
失其驅馳也范氏快藻增西漢之富家氏引繩正李  
唐之失藝文孰闕切于此者乃從來未據槩未之及  
今宜表而出之

太史公西南傳贊曰楚之先豈有天祿哉在周為文  
王師封楚及周之衰也稱五千里秦滅諸侯唯楚苗  
裔尚有滇王漢誅西南夷國多滅矣維滇復為寵王

然南夷之端見枸醬番禺大夏杖邛竹西夷後衛劉  
分二方率爲七郡

班固書南夷君長贊曰楚粵之先歷世有土及周之  
衰楚地方五千里而勾踐亦以粵伯秦滅諸侯唯楚  
尚有渙王漢誅西南夷獨渙復罷及東粵滅國遷衆  
繇王居敗等猶爲萬戶侯三方之開皆自好事之臣  
故西南夷發于唐蒙司馬相如兩粵起蔽助朱買臣  
朝鮮由涉何遭世富盛動能成功然已勤矣追觀太  
宗填撫尉陀豈古所謂招携以禮懷遠以德者哉  
范曄書西南夷論曰漢氏侵伐戎狄有事遠邁蓋亦  
與王業而終始矣至于傾沒疆圉喪師敗將不出歲

時卒能開四夷之境款殊俗之附若乃文約之所沾  
漸風聲之所周流幾將日所出入處也著自山海經  
志者亦略及焉難服叛難常威澤時曠及其化行則  
緩耳雕腳之倫默居鳥語之類莫不舉種盡落四面  
而請吏陵海越障累譯以內屬焉故其錄詔中即較  
尉之署編數都護部守之曹動以數百萬計若乃藏  
山隱海之靈物沈沙棲陸之瑞寶莫不呈表怪麗雕  
彼宮陸焉入其寶帳大毛純禽封獸之賦輅積于內  
府夷歌巴舞殊音異節之伎列倡于外門豈衆遠之  
道必足于斯然亦云致遠者矣曩夷鉅附阻巖谷而  
類有土居連涉荆交之區布履巴庸之外不可量極

然其凶勇狡詐薄于羗狄陵暴之害不能深也西南  
之微元為劣焉故関守永昌肇自遠祖啟土立人至  
今咸鄒焉

贊曰百蠻蠢居僻彼方微鑊體升承憑深阻峭亦有  
別夷屯彼蜀表參差聚落紆徐岐道往化既孚改襟  
輸寶俾建永昌同編億兆

唐書南詔列傳贊曰唐之治不能過兩漢而地廣于  
三代勞民費財禍所繇生晉獻公殺嫡賊二公子虢  
為閹君明皇一日殺三庶人昏蔽甚矣嗚呼父子不  
相信而遠治閹羅鳳之罪士死十萬常時冤之懿宗  
任相不明蒲鎮累畔南詔內侮屯戍思亂能勦柔之

倡戈橫行難因渠賊夷兵連不解唐遂以亡易曰喪  
牛于易有國者知戒西北之虞而不知患生于無備  
漢亡于董卓而兵化于冀州唐亡于黃巢而禍基于  
桂林易之意深矣

南蠻列傳贊曰唐北禽頡利西滅高昌焉耆東破高  
麗百濟威制夷狄方策所未有也交州漢之故封其  
外瀕海諸蠻無廣土堅城可以居守故中國兵未嘗  
至及唐稍弱西原黃洞繼為還害垂百餘年及其亡  
也以南詔詩曰惠比中國以綏四方不以夷狄先諸  
是也

漢永平中益州刺史梁國朱輔好立功名慷慨有大

略東觀記補作補

在州數歲宣示漢德感懷遠夷自

次山以西前世所不至正朔所未加白狼槃木唐菽  
等百餘國戶百三十餘萬以六百萬以上舉種奉貢  
稱為臣僕輔上疏曰臣聞詩云彼徂省岐有夷之行  
傳曰岐道雖僻而人不遠詩人誦詠以為符驗今白  
狼王唐菽等慕化歸義作詩三章路經邛來天山零  
高坂峭危陰峻百倍岐道襁負老幼若歸慈母遠夷  
之語解意難正草木異種鳥獸殊類有捷為郡據由  
恭興之習狎頗曉其言臣輒合訊其風俗譯其辭語  
今遣從事史陵興恭護送詣闕并上其來詩昔在聖  
帝舞四夷之樂今之所上庶備其一帝嘉之事下史

官錄其歌焉

東魏記載其歌非我夷人本治正至錄

東魏此法謝公漢略注云白狼郎今麗江也

遠夷崇德歌詩曰大漢是治

魏書

譯平端

同譯

不從我來

音莫

開風向化

微衣

祈見奇

矣

和唐

多賜繒布

非此

甘美酒食

推情

昌樂肉飛

拒任

便屈伸悉備

何亂

蠻夷貧薄

能同

無所報嗣

莫失

願

主長壽

得歸

子孫昌熾

莫存

遠夷慕德

歌詩曰

夷夷

所處

夷漢

日入之部

且交

慕義向化

純動

歸日出主

休班

聖德深恩

度德

與人富厚

度德

洗冬多霜雪

流絲

非

夏多和雨

非邪

寒溫時適

氣節

部人多有

非邪

涉危

歷險

歸險

不遠萬里

莫受

去俗歸德

附德

心歸慈母



仍格遠夷懷德歌詩曰荒服之外荒服土地境埔禁

籍食肉衣皮阻蘇不見監谷祖莫求吏譯傳風因譯大

漠安樂是漢携負歸仁從優觸冒險陝雷折高山岐

峻藏綠崖端石狀湍水薄終家思落百宿列理

龍父子同賜捕懷抱匹帛懷傳古授人時長

頌臣僕陵陽

唐白樂天紅藤杖詩云南詔紅藤杖西江白首人時

時獨步月處把尋春勁健孤莖直冰圓六節勻大

山土處遠瀘水洗來新粗細總盈手高低僅適身天

邊望鄉客何日挂歸秦

唐詩有菩薩蠻不知其義按小說開元中南詔入貢

危髻金冠縷絡被體改號菩薩髮因以製曲佛戒律  
云香油塗身華髮被首今曲名髮作樂非也

元白皆有驃國樂詩元詩云驃之樂器頽象駝聲音  
不合十二和從舞跳趨節節硬繁詞變亂名字訛千  
練萬唱皆咽：左旋右轉空後：俯地呼天終不會  
曲成變調當如何隱宗深意在系遠笙鏞不御停嬪  
娥火館書為朝貢傳太常編入鞞鞞科左時陶克作  
天子遜通親聽床櫺歌又遠道人持木鐸過採謳謠  
天下道萬人有意皆洞達四岳不敢施煩苛盡全區  
中擊壤塊燕及海外眾思波秦霸同哀古官廢上堦  
下塞王道頗共矜英俗同聲教不念齊民方存廢傳

稱魚鱉亦咸若苟能初此誠足多借如牛馬未蒙澤  
豈在袍翬滋龜鼉教化從來有源委必將泳海先泳  
河非是倒置自中云縣分縣分詎爾訶白詩云縣國  
樂縣國樂出自人海西南角龜羗之子舒南蛇來獻  
角青奉正朔德宗立伏御紫庭黠黠不塞為爾聽玉  
螺一吹椎鑿聳銅鼓一擊文身踊珠纓炫轉呈宿儒  
花髮科撒龍蛇動曲中王子啟聖人臣父頭為唐外  
臣左右歡呼何拿習皆尊德廣之所及頌史百辟諸  
闕門俯伏拜表賀至尊伏見縣人新獻樂詣書國史  
傳子孫時有擊壤老農父閭閻君心閒獨語聞君政  
化甚聖明欲感人心致太平感人在近不在遠太平

由實非由聲觀身理國國可濟君如心兮民如體體  
生疾苦心慘悽民得和平君懷悌貞元之民若未安  
騾樂雖聞君不歡貞元之民苟無病騾樂不來君亦  
聖騾樂騾樂徒喧喧不如聞此蕩荒言新唐書騾國  
列傳載西川節度使常臯獻南詔奉聖樂始末今錄  
于後

貞元中王雍羌開南詔歸唐有內附心吳年尋遣伏  
楊加明詣劍南西川節度使常臯請獻夷中歌曲且  
令騾國進樂人於是臯作南詔奉聖樂用正律黃鍾  
之均宮徵一變象西南順也角羽終變象戎夷革心  
也舞六成工六十四人贊引二人序曲二十八疊舞

南詔奉聖樂字舞人十六執羽翟以四爲列舞南字  
歌聖主無爲化舞詔字歌南詔朝天樂舞奉字歌海  
宇修文化舞聖字歌雨露掌無外舞樂字歌闢土丁  
零塞皆一章三疊而成舞者初定執羽簫鼓等奏散  
序一疊次奏第二疊四行贊引以序入將終雷鼓作  
於四隅舞者皆拜金聲作而起執羽稽首以象朝覲  
每拜跪節以鉦鼓次奏拍序一疊舞者分左右蹈舞  
每四拍揖羽稽首拍終舞者拜復奏一疊蹈舞作揖  
以合南字字成徧終舞者北面跪敬導以絲竹歌已  
俯伏鉦作復揖舞餘字皆如之唯聖字詞末皆恭揖  
以明奉聖每一字四三疊名爲五成次急奏一疊四

十八人行分罄析象將臣禦遠也字舞平舞者十六  
人為四列又舞闢四門之舞通舞入編兩疊與鼓吹  
合節進舞三退舞三以象三才三統舞終皆稽首遂  
巡又一八舞億萬壽之舞歌天南溟越俗四章歌舞  
七疊六成而終七者火之成數象天子南面生成之  
恩六者坤數象西南向化凡樂三十工百九十六人  
分四部一龜茲部二大鼓部三胡部四軍樂部龜茲  
部有羯鼓羯鼓腰鼓雞婁鼓短笛大小箏箏柏板皆  
八長短簫橫笛方響大銅鼓貝皆四凡工八十八人  
分四列屬舞筵四隅以合節鼓大鼓部以四為列凡  
三十四居龜茲部前胡部有箏大小箏篳五絃琵琶

笙橫笛短笛拍板皆八大小觥簎皆四工七十二人  
分四列觥舞筵之隅以導歌詠軍樂部金琥金鐸皆  
二相鼓金鈺皆四鈺鼓金飾蓋垂流蘇五十二人服  
南詔服玄闢四門舞筵四隅節舞合樂又十六人畫  
半臂執相鼓四人為列舞八服南詔衣絳裙襦黑頭  
戴金佉苴畫皮鞞首飾抹額冠金寶花雙襦上復加  
畫半臂執羽翟舞俯伏以象朝拜裙襦画鳥獸草木  
文以八絲雜華以象廢物咸遂羽葆四垂以象天無  
不覆正方布位以象地無不載分四列以象四氣舞  
為五字以象五行兼羽翟以象文德節鼓以象號令  
遠布振以釋明采詩之義用龜茲等樂以象遠夷悅

服鉦鼓則古者振旅獻節之樂也黃鍾君聲配運為  
土明土德常盛黃鍾得乾初九自為其宮則林鍾四  
律以正聲應之象大君南面提天統于上乾道明也  
林鍾得坤初六其位西南西感至化於下坤體順也  
太簇得乾九二是為人統天地正而三才通故次應  
以太簇三才既通南呂復以羽聲應之南呂西方  
金也羽北方水也金水悅而應乎時以象西戎北狄  
悅服然後姑洗以角音終之姑故也洗濯也以象南  
詔背吐蕃歸化洗通日新舉以五宮異用獨唱殊音  
復述五均譜分金石之節奏一曰黃鍾宮之宮軍士  
歌奉聖樂者用之舞人服南詔衣秉翟俯伏拜拊合



南詔奉聖樂五字倡詞五舞人乃易南方朝天之服  
絳色七節襦袖節有青標排袵以象鳥翼樂用龜茲  
胡部金鉦柁鼓統背大鼓二曰大簇南之宮女子歌  
奉聖樂者用之合以管絃若奏庭下則獨舞一曲樂  
用龜茲鼓笛各四部與胡部等合作琵琶笙篳篥皆  
八大小箏箏第五絃琵琶長笛短笛方響各四居龜  
茲部前次貝一人大鼓十二分左右餘皆生奏三曰  
姑洗角之宮應古律林鍾為徵宮女子歌奉聖樂者  
用之舞者六十四人飾羅絲襦袖間以八采曳雲花  
覆首飾雙鳳八卦絲雲花雙執羽為髀林之節以林  
鍾當地統象歲功備萬物成也雙鳳鳴律呂之和也

八卦明還相為用也絲雲象氣也花鬋象冠也合奉  
聖樂三字唱詞三表天下懷聖也小女子字舞則碧  
色襦袖象角音主承首飾巽卦應姤洗之氣以六八  
略後象六合一心也樂用龜茲胡部其鉦柙鞀鐸皆  
覆以絲蓋飾以花狀上陳錦綺垂流蘇按瑞圖曰王  
者有道則儀鳳在鼓故羽葆鼓栖以鳳凰鉦棲孔雀  
鞀鐸集以翔鸞鉦柙出足又飾南方鳥獸明澤及飛  
走翔伏鉦柙鞀鐸皆二人執擊之貝及大鼓工伎之  
數與軍士奉聖樂同而加鼓笛四部四曰林鐘徵之  
宮欽柏單聲奏奉聖樂丈夫一人獨舞樂用龜茲鼓  
笛每色四人方響二置龜茲部前二隅有金鉦中植

金鐸二貝二鈴鼓二太鼓十二分左五曰商呂羽  
之宮應古律黃鍾為君之宮樂用古黃鍾方響一大  
琵琶五絃琵琶大篳篥倍黃鍾觱篥小觱篥竿笙塤  
箎獨箏軋箏黃鍾簫笛倍笛節鼓拍板等工皆一人  
坐奏之絲竹緩作一人獨唱歌工復通唱軍士奉聖  
樂詞雅卷亦遣弟悉利移城主舒難陀獻其國樂主  
成都常早復譜次其聲以其舞容樂器異常乃圖畫  
以獻工器二十有二其音八金貝絲竹匏革牙角金  
二貝一絲七竹二匏二革二牙一角二鈴鼓四制如  
通茲部周圍三寸貫以韋擊磬應節鐵板二長三寸  
五分博二寸五分面平背有柄係以韋與鈴鼓皆飾

條分以花氍縷為藥蝶貝四大者可受一升飾條紛  
有鳳首瑩簇二其一長二尺腹廣七寸鳳首及項長  
二尺五寸面飾氍皮絃一十有四項有軫鳳首外向  
其一項有條軫有龜首箏二其一形如龜長四尺有  
四足虛腹以龜皮飾背面及仰肩如琴廣七寸腹闊  
八寸尾長尺餘卷上腹中施闕以張九絃左右一十  
八柱其一面飾彩花傳以氍皮為別有龍首琵琶一  
如龜茲製而項長二尺六寸餘腹廣六寸二龍相向  
為首有軫柱各三絃隨其數兩軫在項一在頸其覆  
形如師子有雲頭琵琶一形如前面飾氍皮四面有  
牙釘以雲為首軾上有花象品字三絃覆手皆飾氍

皮刻梓撥為舜篋裔狀而彩飾又有大匏琴二覆以  
半匏皆彩畫之上加銅甌以竹為琴作他文橫其上  
長三尺餘頭曲如拱長二寸以絛繫股穿甌及匏本  
可受二升大絃應太簇次絃應姑洗有獨絃匏琴以  
斑竹為之不加飾刻木為他首張絃無軫以絛繫項  
有四柱如龜茲琵琶絃應太簇有小匏琴二形如大  
匏琴長二尺大絃應南呂次應應鍾有橫笛二一長  
尺餘取其合律去節無爪以蠟寶首上加師子頭以  
牙為之穴六以應黃鍾商脩五音七聲天一管唯加  
象首律度與荀勗笛譜同又與清商部鍾聲合有兩  
頭笛二長二尺八寸中隔一節節左右開銜氣穴兩

端皆分洞體為笛量左端應太簇管末三穴一姑洗  
二蕤賓三夷則右端應林鍾管末三穴一南呂二應  
鍾三大呂下北指一穴應清太簇兩洞體七穴共備  
黃鐘林鍾兩均有大匏笙二皆十六管左右各八形  
如鳳翼大管長四尺八寸五分餘管皆參差相製如  
笙管形亦類鳳翼竹為簧穿匏連木上古八音皆以  
木漆代之用金為簧無匏音唯縣國得古製又有小  
匏笙二製如大笙律應林鍾角有三面鼓二形如酒  
缸高二尺首廣下銳上博七寸底博四寸腹廣不過  
首冒以氈皮束三為一碧條約之下當地則不冒四  
面畫縣國工伎執笙鼓以為飾有小鼓四製如腰鼓

長五寸首廣三寸五分冒以氍毹皮牙釘彩飾無柄榘  
之為樂節引贊者皆執之牙簪穿髻達本漆之上  
植二象牙代管雙簪姑洗有三角簪亦穿髻達本漆  
之上植三牛角一簪應姑洗餘應南種角鏡在下穿  
髻達本柄皆直有內角簪亦穿髻達本上植二牛  
角簪應姑洗髻以彩飾凡此各十有二一曰佛印髻  
云沒狀猶國人及天竺歌以事王也二曰讚婆羅花  
髻云龍脊第國人以花為衣服能淨其身也三曰白  
鵲髻云答都美其飛止遂情也四曰白鶴游髻云蘇  
諶底哩謂翔則摩空行則徐步也五曰闌羊勝髻云  
采乃昔有人見二羊闌海嶺強者則見弱者入山時

人謂之朱乃來乃者勝勢也六曰龍首獨琴縣云彌  
惠猶此一弦而五音備象天一德以畜萬邦也七曰  
裨定縣云掣覽詩謂歌俗寂靜也七曲唱舞皆律應  
黃鍾商八曰甘蔗玉縣云遺思畧謂佛教民如蔗之  
甘皆悅其味也九曰孔雀玉縣云桃基謂毛彩光華  
也十曰野鶩謂飛止必雙徒侶舉會也十一曰晏樂  
縣云龍聽網庠謂時康宴會嘉也十二曰滌煩亦曰  
笙舞縣云危那謂時滌煩習以此適情也五律曲應  
黃鍾兩均一黃鍾商伊越調一林鍾商小極調樂工  
皆莧裔衣絳氍朝霞為蔽膝謂之絨襦兩肩如朝霞  
絡腋足臂有金寶環剗冠金冠左右珥璫條貫花鬋



珥雙簪散以龜初奏樂有贊者一人先導樂意其舞  
容隨曲用人或二或六或四或八至十皆舞冒拜首  
稽首以終節其樂五譯而至德宗校射難陀太僕卿  
達達開州刺史唐次述驃國頌以獻

楊用修丹鉛摘錄云馬總意林引相貝經不著作者  
讀初學記始知為嚴初作漢有博物記周公謹云不  
知誰著考後漢書始知博物記為唐蒙作水經引南  
中行紀亦不出姓氏考程合南中草木狀始知陸賈  
作南中行紀乃知前人或畧後或有考焉未可遽付  
之不知也

德宗初驃國王龜菴書卿性弘毅勇代驃貢食訓撫

師徒鎮寧邦部欽承玉化思奉朝章得睦隣之善謀  
東事大之明義又今愛子遠赴闕庭萬里納忠一心  
稟命誠信播著嘉想益深今授卿檢校太常卿并卿  
舅舒難陀那及元佐摩訶思那等三人亦各授官告  
往至宜領之此所以表卿勲勤申朕恩禮敬授新命  
永為外臣勉弘全圖以副選聘今有少信物具如別  
錄想宜知悉也冬寒卿此平安官吏百姓等致存問  
之遺書指不多及

宋乾道中南詔使者見廣南人言其國有五經注春秋  
後語三史加法張孟仲韵集聖曆諸書呂東萊曰  
唐太宗帝範十二篇五代袁胤書遂缺今上征雲南

樊夷始出以獻而舊有十二篇始復完

王伯厚詞學指南載政和戊戌以代雲南節度使大理國王謝賜曆日為表題觀此則重宣際宋入未嘗無意於雲南特力不及耳指南載詞學題名戊戌中武者為崔嗣道字文彬張守三人崔字不甚著張亦無聞惜無目見其所為表也

樊夷西南際海通佛代阿育大秦等國大抵皆奉佛漢書犍國獻幻人自言海西人海西即大秦犍國西而可通唐地理志有自交南經雲南永昌入西天竺道詔至彼又有阿羅陀阿羅單國亦其屬宋不通滇乃自廣州府浮舶奉表元嘉七年西南夷遣使奉表

曰伏承

聖主信重三寶興立塔寺周滿國界城郭莊嚴清淨  
無穢四衢交通廣博平坦臺殿羅列狀若衆山莊嚴  
微妙猶如天宮聖王出時四兵具足導從無數以為  
守衛都人士女麗服先飾市廛豐富珍賄無量王法  
清整無相侵奪學徒遊集三乘競進敷演正法雲布  
雨潤四海流通萬國交會長江耿耿清淨深廣有生  
咸資莫能銷穢陰陽調和災厲不行誰有斯美大宋  
楊都聖王無倫臨覆上國有大慈悲予有萬物平等  
思奪怨親無二濟之周窮無所藏積靡不照達如日  
之明無不受樂猶如淨月宰輔賢良羣臣貞潔盡忠

奉主心無異想伏惟皇帝是我真主臣是訶羅陀國  
王名曰堅鎧今敬稽首聖王足下惟願大王知我此  
心久矣非適今也山海阻遠無緣自達今故遣使表  
此丹誠所遣二人一名毗紐一名婆田今到天子足  
下堅鎧微賤誰能知者是故今遣二人表此微心此  
情既采雖死猶生仰惟大國藩守曠遠我即邊方藩  
守又上一國臣民普蒙慈澤願垂恩逮等彼僕臣臣  
國先時人衆殷盛不為諸國所見陵迫今轉衰弱鄰  
國競侵伏願聖王遠垂覆護并市易往反不為禁閑  
若見哀念願時遣還令此諸國不見輕侮亦令大王  
名聲普聞扶危救弱正是今日今遣二人是臣同心

所有宣啟誠實可信願勅廣州時遣舶還不令所在  
有所陵奪願自今以後賜年年奉使令奉微物願垂  
哀納

阿羅東國治開婆洲元嘉七年遣使獻金剛指環赤  
鸚鵡鳥天竺國白疊古貝葉波國古貝等物十年阿  
羅東國王毗沙跋摩奉表曰常勝天子陛下諸佛世  
尊常樂安隱三達大通為世間道是名如來應供正  
覺遺形舍利造諸塔像莊嚴國土如須彌山村邑聚  
落次第羅匝城廓館宇如忉利天宮宮殿高廣樓閣  
莊嚴四兵具足能伏怨敵國王豐樂無諸患難奉承  
先王正法治化人民良善慶無不利處雪山陰雲水

流注百川洋溢八味清淨周匝曲屈順趣大海一切  
衆主咸得受用於諸國王殊勝第一是名震旦大宋  
楊都承嗣常勝大王又業德合天心仁應四海聖智  
周脩化無不順維人是天護世降生功德寶藏大悲  
救世爲我尊主常勝天子是故至誠五體敬禮呵羅  
單國王毗沙跋摩稽首問訊其後爲子所篡奪十三  
年天上表曰大吉天子足下離淫慾癡衰慾羣生相  
好具足天龍神等恭敬供養世尊威德身光明照如  
水中月如日初闕間自蒙普照十方其白如雲亦如  
月光清淨如華顏色照耀威儀殊勝諸天龍神之所  
恭敬以正法寶梵行衆僧莊嚴國土人民熾盛安隱

快樂城閣高峻如乾他山衆多勇士守護此城樓閣  
莊嚴道巷平正著種種衣猶如天服於一切國為最  
殊勝吉楊州城無夏天主慈念羣生安樂人民律儀  
清淨慈心深廣正法治化共養三寶名稱遠至一切  
竺聞民人樂見如月初生譬如梵王世界之主一切  
人天恭敬作禮阿羅車跋摩以頂禮足猶如現前以  
體布地如殷陞道供養恭敬如奉世尊以頂著地曲  
躬問訊忝承先業嘉慶無量忽焉惡子所見爭奪遂  
失本國今唯一心歸誠天子以自存命今遣毗紐閼  
訊大家意款自往歸誠宣詐復畏大海風波不達今  
命得存亦由毗紐此人忠志共思難報此是大家國



余為惡子所奪而見朕損意頗忿惋規欲復伏願  
大家聽此勅買諸錢伏袍襖及馬頭為料理此勅使  
得時還前前遣闍邪仙婆羅呵蒙大家厚賜悉惡子  
奪去故大家使知今奉薄獻願垂納受

元嘉十二年國王師黎婆達陀阿羅跋摩遣使奉表  
曰宋國大主大吉天子足下敬禮一切種智安隱天  
人師降伏四魔成等正覺轉尊法輪度脫衆生教化  
已周入于涅槃舍利流布起無量塔衆寶莊嚴如須  
彌山經法流布如日照明無量淨僧猶如列宿國界  
廣大人民衆多宮殿城廓如忉利天宮名太宋揚州  
大國大吉天子安處其中紹繼先聖王有四海閭浮

提內莫不來服悉以茲水普飲一切我雖在遠亦靈  
靈潤是以雖隔巨海常遙臣屬願照至誠肅哀納受  
若蒙聽許當年遣信若有所須惟命是獻伏願信受  
不生異想今遣使主佛大陀婆副使葛抵奉宣微誠  
稽首敬禮大吉天子足下陀婆所啟願見信受諸有  
所請唯願賜聽今奉微物以表微心

巡撫顧公應祥刻常璩南中志于滇意甚善而亦盡  
今滇中古書如南中行記樊綽志辛怡顯錄等絕無  
傳本其列于諸史者如史記兩漢西南傳新舊唐書  
南詔兩爨縣國傳宋史大理傳元史緬甸傳又皆散  
見未有會歸楊慎采白古通作滇載記僅備小說倘

合南中志十一種為合刻則上下千餘載亦差足一  
方之典則矣

漢時與夷盟曰漢犯夷罰黃龍一隻夷犯漢罰清酒  
一鍾又有夷賊名蔽白虎古文苑云白虎之俗難安  
黃龍之盟不定皆西南事也

元段功妻阿蓋詩有押不蘆花顏色改之句白湛淵  
演雅十詠發揮云草食押不蘆雖死元不死未見滌  
腸人先開桑篲子釋曰漠北有草名押不蘆食其汁  
立死然以它葉解之即蘇華陀洗腸胃先服此也

梁王惜兵段寶答書云殺虎子而還喂其虎母分狙  
栗而自詐其狙公又云金印玉書釣魚之香餅縑閨

淑父掩稚之網羅餘多嫚詞

南園錄稱郡城西北五里許俗名大寺山寺廢無牙  
遺矣成化弘治間掘得其碑甚宏麗因碑陰載常住  
財貨之繁懼鎮守者生事輒碎之迨復得一小碑文  
雖不足觀而可證永昌之為郡在元已盛與金齒迥  
絕人可見當時財貨之殷非今日可及其文曰雲南  
自開闢以來上而唐虞三代之寬下而秦漢歷朝之  
盛非所有也諸葛孔明五月渡瀘深入不毛南方始  
定歷晉隋唐而下非中國所及也皇元混一區宇癸  
丑年世祖深入大理時段氏以山河之固遂率  
以降而雲南六詔悉平厥後委命大臣元良葛歹首

整其緒繼遣平章政事賽典赤紛理其科民遂土而  
業業者迄今七十餘年矣永昌西北五里有古栖賢  
梵刹業因兵火廢為荆棘土居之望有蕪氏而慶在  
者其先智隆贊政氏降始授永昌千戶授于王事于  
慶繼其業撫治邊夷既滿且代遂恬退閑處友心業  
善念國家主厚之恩祖宗栽培之德思以報之大捐  
已資首建前殿奉天日徧照如來左右廊廡僧寮齋  
廳庖廩門街百堵作烏鍾鼓有棲經典有貢舍已四  
二十四雙以充常住故良駟肆人以為酒掃繼修後  
殿奉樂師佛無量壽觀世音佛母帝釋大明王十二  
宮神摩訶迦羅羅漢四天王印造華嚴經

經一千餘部泰定甲子歲作浮圖十三級于

前凡寺之供具用度莫不備焉落成又念永昌為

皇太后湯沐邑蕪氏具建作之由獻以充官有司以

聞奉帝師法旨省府榜文特為加護顏曰報恩偈云

釋氏教弘遠幻世大鑑鑄利鈍歸陶鎔無在無不在

充塞天地間其大竟無外歸而藏諸家須彌等一芥

善哉蕪氏慶灼然了三昧亟猛捐囊金建諸天法界

上以報君親下而覺盲聵懋績鏡豎珉永刻長不壞

泰定三年歲丙寅七月既望永昌府儒學教授華陰

楊森記漢陽度金秀書承事郎同知永昌府事汴京

張野先篆其篆額云棲賢山報恩梵剎記其帝師皆

高一字與梁王同於此不獨見胡元之重佛而番王  
能授人以官如此而官誌之不足據亦已甚矣

宏猷錄載鄭清源南論曰黔中在南詔地居鬼方之  
西漢武帝通牂柯羗獠至鑿昆明池乎長安習水戰  
因寄鏡意圖之而黔蒼全齒之域終未能慨然盡入  
版圖唐一動兵至覆師四十餘萬自古及今未有郡  
縣其地二百年寧謐底定無反側如今日之盛者蓋  
繇我

聖祖神謨聖畧規畫甚詳經略甚富嘗讀

聖祖諭傳友德出師及前後所下詔勅其地理之遠  
近道路之險夷兵將分合之機攻取前後之勢雖生

長其地習在我行者未始若是之悉也故嘗竊為之  
說曰能不若諸將而用人之能者漢高帝是也能勝  
諸將而自用其能者漢光武唐太宗是也能勝諸將  
不自用而用人之能者我

聖祖是也嗚呼觀河洛而思禹功萬世之下豈可忘  
開創之艱乎

楊文舉公一清謝

聖駕幸京口私第表云白首桑榆再際風雲之慶丹  
心葵藿重逢

天日之開五雲御乎六龍九戔施於十畝又云卒忤  
權臣之柄旋投慈母之機罪放清朝甘終身于畝畝



治新元祐復起相於洛陽任以股肱委之心腹山公  
啟事桃李莫收伊尹阿衡豈梅無味數載服勞之暇  
羽化安心一時際遇又奇

龍顏拭目又云念

祖宗創造之艱防國家盈成之患爲事親之心以事  
上帝謹保身之法以保下民謝總督三邊表云人非  
三代何敢希方召之謀猷業本書生亦勉効范韓之  
經畧但世平易玩法久漸墮政習因循人安偷惰不  
大改絃轍無以作新士氣不力任怨怒無以奮起事  
功又恐習尊俎之談或同念邊疆之苦待文墨之論  
不暇謀兵革之難任耳易至于傳訛浮言每興于所

忌謝賜銀圖書表云人文宣朗光曰虞帝之四聰天  
命尊嚴重溢康侯之三槐人云寶篆指工儼千年之  
矧矧奎章燦爛絢五色之龍鸞裁成悉出

宸表報塞寧忘天眷昔張禹誇榮於几杖徒為優老  
之貴魏徵侈賜于佩刀無聞作聖之學相知相遇慨  
相灑之尤難同德同心感同遊之為盛又云秘府琅  
函虹彩射青藜之閣禁林玉屑雲光映玄圃之宮天  
云豫雷地奮修為迅發於四方始風天行渙汗羣施  
於九有悅而繹從而改隄法允望兼收言必聽諫必  
行膏澤普希下及典重稱對君之語

張南園志澤和喬宗伯詩云竹帛分排為卷餘便堪

瀟洒送諸君追遷述柳能無意只恐人疑是謗書老  
來無復計三餘日日昏昏兀兀居天下已多校閱諒  
予雲何羨太玄書身名瓦裂更無餘獨有青山是舊  
居除却南華經一卷案頭拋盡向來書澣園心事外  
無餘寂寞柴門傍水居却有誇張社陵處手持厚祿  
故人書餘多不錄

前衡州府同知汪鉞有松鶴雙清圖翰林張燦為題  
詩云何年老龍化為松根盤磧石青摩空蒼髯未改  
鱗甲在至今雷雨生長風羽客何年化為鶴丹砂養  
就窺城郭一飛一止鳴相酬似與松風共寥廓此松  
木隨松李芳北鵠肯向鷄羣翔孤高總是塵外物胡

乃致取采中堂近代画師稱呂紀能以天機融物理  
因入製画深意存不獨丹青而已矣芝城二守汪君  
賢下車初政唯飲泉悠然玉立一鶴耳歲寒晚節松  
同堅我欲為君歌此意清宵卓筆寒生袂須臾半睡  
夢魂鷄如坐松林聞鶴唳汪氏又有萃景堂瞻莫軒  
望思樓窠又為之記曰汪氏先世漸東人尚書莊靖  
後以成籍隸滇至一庵四世矣性恬淡好讀書尤究  
心于軒岐然不嗜利嘗于城北闢地數十為園一區  
外植修竹萬竿雜以衆樹內蒔花果百餘品紅紫蒼  
翠香冉冉襲人乃築堂其中為燕息之處堂有八景  
曰商山聳翠滇海來青金馬朝暉碧鷄晚照竹塢清

風梅窓霽月茶坪春雨桃徑朝霞遂以名其堂曰客  
至觴詠秉燭曾幾時捐館矣先生之子鉞傷產露又  
既殞慨風木之猶存于是作瞻莫軒望思樓曰庶幾  
復見吾親耳弘治癸丑六月余遇湖南弢通同知衡  
州府事以記來請目思奉質皇之事而有感焉質皇  
謂當平原莊者非吾子孫以一樹一石與人非佳子  
弟何待后人之薄然平原亦究為他人有今一庵能  
以詩書教子鉞能以簪纓顯而所謂萃景者不過緒  
餘以為燕賞遊觀之樂耳曷嘗瑣瑣逆料後人哉故  
為之記以啟其後之人尚其嗣而葺之俾勿壞又張  
南園為員外即時鉞補衡州言別亦有詩贈之曰衡

岳凌紫暝日月互吞吐湘江莽噴薄頃刻變風雨湖  
南誇勝地江表禮名士欲收羨君奇喜色動眉宇人  
言佐郡勞官忙多仰俯我言佐郡易道在誰得梅  
東聲利徒爲一皆鼠腐獨有汗竹香千竿猷郡久往  
哉君念之恩煦勅字乳魯叟有常訓苛政猛於虎官  
居信崇蔽民事極勞苦一念苟未孚疲氓困饑翁江  
離興秋蘭可佩亦可危古今竟何如此意煩記取楚  
山鳳來儀相期快吾觀

巡撫何公孟春餘冬隸載送貴州巡按沈君序云省  
方設教陳詩觀風古天子適諸侯事後世此禮不行  
於是命夫大有觀風之使焉若漢謁者光祿太僕給

事司隸校尉司徒掾持節奉使清詔督課郡國風俗  
察災吝宣布恩澤勅奏貪猾表薦公瑾所至便宜以  
聞皆其任然侍御史繡衣直指其事職也若宋國子  
博士魏南都督隋行臺尚書唐散騎常侍左右司郎  
中秘書丞廷尉評事稱巡省巡察觀察巡撫安撫宣  
撫宣慰採訪默陟諸使諸法從皆得選充然御史大  
夫中丞殿中治書侍尉政大司憲內供奉兼行檢校  
監察則事權所歸官諸法從曹司未有不兼此而行  
者也沿及五季至宋元舊典相承名號損益間異同  
考其規格無大異前代者我

朝稽古定制念邦邑都鄙官府之治不容無內外近

遠之殊而班爵品秩等威之間尤不可不重糾督察  
舉之職故始剪制棘卽議立御史之臺官比宋元加  
備及後改都察院以左右副都僉都督大夫中丞而  
監察分設諸道歲分巡於天下至今日國家百五十  
年內外之政允釐奸宄之萌不興蓋得人之所致也  
惟雲南貴州設道在永樂十九年監察御史於是地  
巡按必自是年始是年勅在庭四品以上官十三人  
偕給事中各一人行天下蓋亦自是始都御史與巡  
撫爲貴州哉

朝取諸群蠻乃古所不治異域未樂聞經畫雖定繚  
峒蠻寨峯突動及境內朝廷虞其復變常宿重兵簡



外內文武重臣彈壓之而巡按尤簡於老成有風力者蓋其地入視諸道最後其去京師茲雲南為最險遠則銜命而來其任最艱宜慎其人大抵蠻夷盜賊恒起於訟之不平政之不理訟不平政不理恒繇於其吏之有才而天下諸道司府州縣衛所吏其人不

能皆才其然遠地蠻夷苦其吏而不能自達則怨怨則變生其勢使然足故簡於上巡撫巡按宜慎其人也國家以綱紀付都察院按察司而巡撫自宣德正統來一任都御史巡按自洪武來必監察御史是以綱紀付此人也若不得其人使朝廷失付奚取乎親風之使於屬吏奚資吾受專職事權所歸顧如此可

予哉雲南賁州鄯康獠蠻寨大抵同其地入後先其  
去京師遠近同而春也叨巡撫於雲南故因周君按  
賁州而還朝也贈此言既重其行兼自箴焉

大理石屏有山川雲物之狀唐李贊皇以為醒酒石  
近李貞伯送人入滇詩云相思莫遠石屏贈留刻南  
中德政碑可謂德業相勸矣

滇中詩人永樂間稱平居陳郭郭文詩有唐風三子  
遠不及也竹枝詞云金馬何曾平步行碧鷄那解五  
更鳴懷家夫婿久離別恰似兩山空得名又登碧雞  
山太華寺一聯云湖勢欲浮雙塔去山形如擁五華  
來一時閣筆信佳句也

楊林藍廷瑞信天翁詩云荷我荇帶綠江空唼鯉含  
鯨淺水中波上魚鷹貪未飽何曾餓死信天翁詩中  
有諷其夏日詩終日憑欄對水鷗園林長夏似深秋  
槐龍細洒驚黃雪涼意蕭蕭風滿樓冬夜云枕上詩  
成喜不勝起尋筆硯旋呼燈銀瓶取盡梅花水已被  
霜風凍作冰題嫦娥奔月圖曰竊藥私奔計已窮藥  
砒應怕洞房空當時射日方猶在何事無能近月中  
三詩皆可喜信天翁水鳥也食魚而不能捕俟魚鷹  
所得偶墜者拾而食之

王元美送滇人周廣文較士闕內詩絳帳如雲海國  
開公車還後領羣才秦庭忽動連城色漢馬多從西

極來題罷金天霞作掌歛殘清渭月為杯奚囊定有  
懷滇句知向昆明沿上迴

謝東山輓楊太史詩白首招魂張月鳩十句作懺李  
中谿猶有憐才叢相國題詩數問夜郎西

丹鉛錄曰元天目山釋明本有九字梅花詩池南唐  
錡以為不佳屬予作一首乃口占云玄冬小春十月  
微陽回綠萼梅蕊早傍南枝開折贈未寄陵凱隴頭  
去相思忽到盧仝窓下來飲殘水調沉珠明月浦舞  
破山香碎玉凌風夢錯恨高樓三弄呼雲笛無柰二  
十四番花信催

古有三句詩意足詞膽盤曲二十一字中最為難工

徧檢前賢如參之教當爐曲魚名氏春詞宋謝皋羽  
寄鄧收心本朝唐天曜寄山中故人讀書處等不遺  
四五首而已雲南督學彭綱詠刺桐花云樹頭樹底  
花楚風吹綠葉翠翩翩露中幾枝紅鸚鵡亦風韵  
可愛也刺桐花雲南名鸚哥花、形酷似之彭公此  
詩本四句命吏寫刻于扁遺其一句後誦之自覺意  
足乃不更改

楊用修詩話云余嘗登毗山寺見雨霽虹蜺下飲澗  
水明若刻畫近如咫尺日射其傍如盼睐得句云渴虹  
下飲玉池水斜日橫分蒼嶺霞自謂切景張愈光云  
斜字猶未稱渴字後一年偶聞莊字日中方脫衍義

云日斜如人睨目遂改作睨日對渴奴字如稱愈先  
曰渴奴睨日古今奇句也

舊刻夏遊記一冊出辛氏家藏其跋云撫臺馮陽周  
公入滇首出夏遊記有道林先生所撰要語并質疑  
二書與盡心章講義示提學僉事徐養正刻之頒諸  
學宮諸生夏誥臣之綱周鳳陽等問曰昔道林先生  
與學資陽亦既私淑之矣於龍谿吉陽數先生之學  
未之詳聞也其亦有異同乎養正曰是不可得而知  
所得而知者心無乎不同吾得吾無乎不同者則  
天下之言皆足印證異同之際又烏足多辯乎山谿  
之田其險易隆瘠犁然可舉目而知也耕之皆可以

有獲不耕而區、於險易降瘠之辨縱使其降且  
易者其何益乎飢耶周公名采采子亮湖廣寧鄉縣  
人徐公字吉夫廣西馬平縣人夏誥見人物志匡又  
綱無考周鳳陽以明經為婺川儒學諭

田汝成炎徽紀聞叙倭寇孟養事與它書異其附論  
曰倭寇孟養之亂譬如蔓草樹以中官而灌以閹輔  
日益滋長雖欲芟刈不可得矣麓川之役舉朝皆以  
為非謂王振專權逞忿而李文達公亦言麓川初叛  
不委戢而遣別將遂至喪師此皆夫實思仁抗王師  
殲大將釋而不誅辱國益甚振之罪惡通天若主征  
麓川義正言順不可非也三原王公言亦與文達畧

同溢美文道為家狀所蒙未知國史所傳竟何稽也  
其叙諸夷附論曰堪輿乍分禹夏之地黎首蠢々與  
鳥獸無異五帝三王賢聖通作獎掖以仁義陶鑄以  
禮樂而匡弼以刑罰然後人知衣冠之華飲食之美  
而藝倫之重其在四裔魑魅之與遊豺狼之與居仁  
義禮樂之教刑罰之政曾未目覩猶之禹夏之初何  
怪其俗之醜惡也夫四隅之地西北為首東北次之  
東南又次之西南其最後者也周初封箕子於朝鮮  
卽為嘉域而淮徐之區權為戎狄太伯端委以治吳  
猶不革祝髮文身之習秦開百粵而武帝以閩夷叛  
亂徙其民于江淮間空其地其時固薦莽狐兔之墟



乙乃今聲華文物興中州等矣武帝造唐蒙通夜郎  
元始拓土然直霸靡之而已我

朝列于郡縣而西洋海國亦皆賓貢蓋氣化漸開則  
人文漸被若旋風漸拂首西北而終西南焉知滇楚  
之地不將有聲華文物如閩廣之交者乎又焉知八  
百里里緬甸諸夷不有列郡縣置官吏之日乎

何大復景明有使事之後至滇省中公謙詩云今日  
何日公謙會紫薇垣下填車蓋總戎太監爭邀呼御  
史中丞立相待坐花廳玉綺席陳愧我何能居上賓  
勸酌盡是文武士列坐俱為藩臬臣廣堂潭潭長百  
武堂前槌鐘復槌鼓擊石鏗然逐橫吹清歌緩節隨

輕舞酒闌起的明燭前橫金鳴玉聲珊々交衛夾道  
燈火亂仰看月出樓臺間諸公豪傑世希有恊恭同  
寅重違守幸時夷方不用兵簿書之暇得飲酒只今  
天子布洪仁九州四海俱同春清風想見唐虞出玉  
座欣瞻日月新諸公於此復何慮矢志盟心思致身  
又送楊中舍承家雲南省墓遠遊篇云君不見昆明  
池去京一萬里山盤海曲在天上日轉星旋羅地底  
生神發秀千百年太宰源流自茲始七歲辭家朝帝  
京登台踐斗榮身名永永更起丘園情諸

帝帝遣中書行中書此行

天子重赤車駟馬都人送岳樓畫錦湖光開京口春

恍江色動瀟湘  
龜鼉經水國  
衡巫瘴癘雲  
來黑銅柱  
標南閩南紀  
錦官城西指  
西域揮毫憑  
紙驚雲夷却  
侯太宰中書  
時相如使蜀  
人同美遠史  
浮湘志自奇  
憶昔滇中為  
使者黔公宴  
我滇山下酒  
罷曾夢壯士  
兮賦成尚倚  
將軍馬今日  
看君萬里歸  
山川草木倍  
光輝公卿礼  
數古來少久  
予聲名天下  
稀五華同顏  
日朝放點蒼  
山北雲如障  
遠遊可樂須  
早還帝里親  
聞兩相望

督學叅議楊公師孔溫泉游記云至人韻士往往以  
山水為性命山不險不奇水不深不幽每至遠性情  
綴形骸弗顧也若夫具深險之勝而又全幽奇之德

惟滇楊城溫泉名滿海內東髮時思欲吸流楊波久  
矣讀周修先生登先輩題咏積往古溫湯舊事點綴  
茲池不通一盃一盞耳歲天啟乙丑直指朱由翮具  
山川明眼季秋廿一日行旌按部茲土不佞札代分  
守庖列選節泉上機緣奇甚是日宵征達楊城直指  
餞送札成使宿碧鷄關廿二夜方抵楊城郊迎後卽  
求訂泉游又約期以翼日是日午刻同聞帥高子啟  
自燈柳川登舟謝太函方伯以車馬小憩州守編漁  
船障以布幔酒殮茶量備具致頗不惡啟舟而北曲  
曲山青灣灣水活漸入浙遂不啻剡溪雪浪中神已  
飛越矣日補望山岫聳翠峯崖環抱不脫溪流疑入

無縫而委婉却有情因滴 無礙柔櫓棹柳森映遙  
見斷雲孤壁一水橫玉似可攀可躋又似可入者詢  
舟子云巖洞奇絕政堪游余欣然舍舟從松陰入畝  
間 步入巖初巖小淺潭潭不能入既則或門或屏  
或榭或軒或堂或戶或廊或壺天或弱流或花莢或  
秘石或玄竅或翠幙或紫絳障或靈光龕態度奇幻  
不能名狀粗與高邱足所至時一觸期以來日探討  
洞之奇甲天下者不少非泉洞分奇即寒溫失正未  
有虛明洞朗如阿房椒室院院相比又如響屐長廊  
轉：可步而一水流春衣田映戶想上古賞鑒真仙  
構先天能手將溪灣最趣處斷水殘山會萃為一家

亦大奇絕也洞盡展一坪轉入巖壑深處即溫泉矣  
一望瑞靄圓結氤氲：氤氲：數家茅屋映帶紫翠明霞  
徘徊于上若不忍去入門望洋心胆俱熱大吃前人  
之未標其奇也噫：泉從碧玉嶼中如初沸鼎爐滾  
滾湧出一鏡鋪銀纖埃俱澈明沙淨礫粒：可數中  
泓碧島如玉瑰瑋光潔與水色闌奇日閃：不能定  
是夜醉中同高閨即解衣汨沒如嬰兒入父母懷  
又如帶酒入初薰繡被屈伸偃仰無不隨意取足不  
意人世間有此極樂園也大凡解人帶酸寒俗氣至  
此俱開暴戾血性至此俱化塵垢穢濁至此俱淨人  
我跡相至此俱渾塵情客念至此俱消蓋造化具此

大爐冶一經煅煉自煥凡胎恨天外遊隙為神仙久  
松欒綠淺塵染重者輕易未能一至耳廿三日辰謝  
太函亦至同泛小刀遲直指于巖之初洞天設具導  
旌因巖發咲昔聞山岳動今則簇壑開矣歷壑探奇  
窮幽極險為門為屏者布以旌魔為榭為軒者浮以  
大白為堂為穴者賜以笙歌為臺天為弱水者雜以  
大樹為秘室為玄竅為翠幙者賜以鳴琴不但衆山  
皆響亦且寒谷春回薄暮侍旌節入溫柔鄉是晚無  
于碧玉泉之北堂入夜移尊衆檻和氣香烟水光玉  
色雅懷高韻渾為一氣吸泉而飲洗盞更酌命兩嬰  
童拍徑尺舟次第傳觴如飛仙太乙傲脫群傑不知

酒味為泉亦不知泉色是酒生平泉游當以此為第一  
一可以償萬里蒔足東方漸白余亦就村居小樓山  
深嵐重僵卧幾不能寐惟衾襖起命童子扶掖直走  
泉上箕踞片晌融之五體俱和即池掬水盥嗽畢走  
聖水三潮赴直指曹溪廿四香積約夕陽登途宿祿  
膝廿五抵祿豐別直指于響水公署舍煦和天界就  
風塵眉目一步一回首也茲境也畢竟是神仙窟宅  
諸洞天為室與泉源為母焉泉流為仙液煙川為門  
戶曹溪虎丘為別業泉外奇在如林湍流若海山花  
老樹琪草珠叢尚有秘而未顯者以候後之賞心人  
若夫宇內溫泉舊蹟稱香比色較味憐清特此泉之



一班自有昔人紀。不復贅直指。公珠玉盈囊。烟霏  
翠潤。可為茲泉吐氣。未能盡和。僅摘泉洞之最勝。得  
六詩附左方。雙峰峙如柱。撐起太古雲。垂。掩蓋  
下冥。灝氣殷行來。綏婉委。久坐含氤氲。中有玉蟾  
除。呼。又如。有。閑斑駁。蘚痕老。湛淡青泥。芬弄蟾蜍飯。  
石不知山日曛。石雙柱。不是石中天。由來天上  
花繽紛。透岩罅。錯落明飛霞。詎得霹靂引。列石傾瑤  
華。耳目非我有。神情蕩無涯。嚼指枯石上。茁。生瓊  
葩。石兩花叢。蘆渡弱水。不知有天竅。碧波流  
金沙。石足。冒寒。萬乾坤。收洞中。坐看日月跳。不聞塵  
世喧。但見天女嘯。醉倒雲根歌。問天發大呌。石弱

流 一線透灵光沉、白玉壺暗裏原有天方信身  
世黑雲來天不碍雲去天不孤酒浪欲浮天坐看雲  
石枯 石玉壺天 昔人醉此石人去石常醒潦倒  
扶不起歎戲暗通靈葉紅初帶暈奇醜應天星塵遠  
清宜聖雲封性自冥符盡欲下拜天風吹冷冷 石  
暖石 水龍：石鑿：元氣氤氲光的灼春風吹入  
水晶天火脐暗度蛟人鑰中有一泓清且聖聲香吳  
味醇法併慈悲幻此甘露源骨作溫柔如是性匡山  
飛瀑龍門闌爰它清冷耐它寒何如渾合真陽密蕊  
珠煖玉潔且端倦可添醉可狎枕可酣飲可呷詩脾  
寒瘦總如水百脈春回輕一秋更藏島嶼層、碧不

是交攬不是丘仙人留下碧霞丹莫微古今泛雲液  
我來春風欲舞弄嬰兒浮紫囀相呼醉後沒波出水  
咲褰裳濡足何有吾只今置身靈壑裏朝、溫暖熱  
塵滓願將一掬獻

聖人洗却天下冷心冷眼冷腸子 右溫泉

游雲津洞記云乙丑歲冬仲較士東遊邈昆明池入  
江川達撫仙湖出通海沿水週遭紅葉蘆花澄波石  
逕酷似江南暮秋佳景全收水石淒清之勝月終旬  
抵臨安嘉平望日竣試事闌中夜燭曉鷄文焰筆花  
與詩懷鄉夢相濟發知有雲津洞天之奇難意興勃  
勃未敢必此游開水漲雲深非飛仙不能渡也郡太

守徐君瀟盈別駕顧君綸堂州守角君賡太業已預  
為排當差官滿倅回云歲盡水落雲海橋成喬岳悚  
肩若有不能名其奇之狀蓋滿倅為虎林官喬顏解  
游道者遂以既望之卯刻出關郭外易野服可十五  
里易肩與度嶺楸濶委蛇盤轉為閭郡眾水歸壚此  
邦文獻冠六詠水口奇秘若此勿謂青鳥家不足信  
也行里許為道篆蒼烟中聽水聲潏潏肩輿軟穩兩  
腋欲飛山淨水鮮漸覺非人間色相須臾迴度山椒  
望石門百尺下接水雲中當門巨石如屋屏轉水勢  
分流縈洄入海門如灔澦之砥三峽殺其欲歸之怒  
造化非無意也雲門顏高若障迴望不窮什七為顏

什三為門巖畔古藤一株纓絡下垂將及洞門翠葉  
班班不能名隨風嫋娜才浪花之上神仙點綴稍露  
一斑余顧白雲門蓋洞中雲浪屢伏屢見俱由此間  
津也由雲門折而左一逕入雲盤旋石亘橫開小嶺  
而上平野周回四山懸巖若出映帶曲曲有脩行三  
里許如桃花源中桑麻丘塍但少雞犬數聲耳又里  
計折而左望石壁千尋亂雲中漱一隙小有棹楔  
鮮采生秀一材官領健先兩隊旌麾燁燁逕道左金  
鼓喧闐蓬界中那得有六花雲鳥然雲裏修羅護法  
致頗不俗知是洞天門戶矣谿一瀑一長嘯入洞門  
左盤而下雲級千層一望石華潭影與天光相蕩目

閃灼不能定兩守別駕刺官候吏千人簇擁笙樂齊  
鳴鐸、若佛界仙班隔水連震三鏡如霹靂繞地底  
翻騰時許不散何意韓淮陰戰廣武時瓦屋皆震得  
此可壯游胆一潭橫映沿听而左突出層臺障以彩  
棚雲霞繽紛華纓四絡如海上新結奇臺三君禮畢  
各易野人服酒三酌進千觔庖廚音樂俱自岩隙各  
據一竅奔走趨捨不知從何而來大非人世所見隔  
水望雲壑中似屋似戶或廊或榭深廣無際暗中各  
位置蓮燈松火燦爛若星宿海聲傳梁奏渺、雲濤  
余意觀且止太守笑應曰此入洞第一門戶仰視懸  
岩垂乳燕壘蜂房對面橫開百丈銀榜余題曰雲藏

七十二天自哂為門外人也向雲門所歸又水自此  
初見左轉而入石柱千章琳瑯入水平沙沉靜藻衍  
淡漠絕不見怒濤奔放之勢水性至此亦降且化矣  
臺下卧彩虹百尺對岫棹楔如畫楫攔步薦紅紫錯  
繡玉淑明山水苑中間以飛梁朱檻自非仙都何能  
有此可稱點綴名手奇集前導余與太守輩信步度  
飛橋飄飄若仙通橋行平沙上深軟如茵褥屈梁闌  
檻一派天成門戶從天光中一望玉筍林：華燈點  
點委迤婉轉香不可際若五都三市上元燿燦但少  
人世車馬塵踪耳沙窮雲津水再見余題曰平渚問  
津清溪蕩漾較初津闊三之二橋長倍之飛欄婉轉

步數百不能盡呈大中隱約波蕩如履長虹磨步  
生動但恐飛去兩听雲頭霞綬輪菌拳奇虬龍櫻舞  
不可名橋盡涉東岸淺沙循峭壁而進羅列繽紛旌  
幢排導空中一片衲衣緒眉雲土針痕田畝想初祖  
入定後頓忘收去余題曰掛衲再行數十武則為玉  
平天矣洞天至此開極大平障仰視玉板一片數十  
傾琉璃懸蓋四角參差柱以矮刻玉樹珠然玉板六  
如虛櫺窗掩映迴環隔岸一望無際人聲動處漁  
火星々恍疑似數人窟宅水至此平曠汪洋有浩渺  
澄靜之勢中涌小巖僅與水齊白衣大士趺坐如生  
前立小善財似拜似舞蓮焰中閃灼不定不知南海



一幅畫圖何年移置于此余題曰普陀彼岸所與太守  
草定席開樽盃中浮白與玉光相盪水面白毫向青  
眼係身豈惟迷醉中之禪亦且登楷丘天上矣左折  
而上數十武高坪長偃不但可建十丈雄礮火光徹  
處連開雲涌霧轉呈迴懸簷百丈累：若珠絡諦視  
萬象俱備第深廣高遠目窮于火：窮于象惟有鼓  
掌蹈躍低徊嘆息而已中一峰突起十數丈為衆青  
蓮攢：而上勢若鰲山壁立又若衆氣藏聚列相小  
虫令人以高大射之搖：不旁又似花大自峰頂  
向下噴吐如萬斛明珠濺翻峽倒巉巖巖中傾蹙  
跌宕俱成天花土平火樹之觀魚奇于此余題曰象

森天向下對通即普陀巖下流少為深廣兩字謂成  
橋又難深惜民力又恐余游廢半途大為慙慙余應  
曰興到即行無勞通計也光中見彼所懸巖下盤石  
嵯峨可棋可釣可卧可醉亟呼與人上有與揭爲而  
前拱手謝三守不必勉進但得一尊一果兩侍人相  
隨足矣鼓勇前進到所捫蘿遂石向所見盤石雲蓋  
如龍清流繞膝不覺鼓掌大呼三守亦縱一褰裳從  
之矣開尊趺跏環坐酒三行笑問曰直釣之釣否為  
美談今我輩坐此石上人我澤化心手相忘即直釣  
何在題曰無影釣向三守鼓余恐不前茲隨余恐不  
止不覺游興益猛不問主人毅然拂衣前進行乎涉

數畝空闊若原野千火齊明火光盡處俱無邊際至此逾覺靜興百步外偶語俱聞微吟成響大非人世氣候平沙盡處河邊有物十數雌雄反覆相耦層累而上首足蠢々欲動蒼翠潤濕如初出水態明大近視的為活龜歎之則雖然石已雲津至此為第三見成橋更難想飛仙自不禁足題曰弱流叱鼓梁明炬而前三字亦得：漸集通水兩岫峭拔稍費登陟中端涌一蓮座高可丈餘大士天珠普賢位置停勻相向錢塑不能真天巧也再上地勢高敞另開一洞天較衆森稍為謹秘而峻峭過之仰視圭壁琳瑯霞蔚雲蒸莫能悉狀題曰鬱林天少下當門一柱大可十

園上柱天下抵地首尾通均有巖巖挺特之狀行者  
左遊題曰繫天再進有仙人一足自雲中注下膝與  
雲齊豈崑崙大足誤墮塵中耶稍上適地石田縱橫  
如龍腰遂俱備仙家亦自力作從來無素餐神仙也  
歷田而上雲壁間忽開數小龕方平如榻間尺數丈  
許各開一門中婉轉相通絕類人間洞房秘密命名  
懸一燈余與三守各據一榻且坐且卧酒行數十觴  
幾榻：化為蝴蝶矣題曰無夢榻下榻左進數十武  
有巨柱助骨輪：大十數圍上下生成齒：印合中  
橫突寸許隔大相向面：朗徹天巧至此不可思議  
題曰乾坤熾磨試問予中不知有幾許南柯園土左

旋俱行石乳玲峒中或臨雲頭或履蕙苗與人走平  
步：生蓮我輩何異瑩仙再降更開一天四壁峭起  
圓蓋高懸簇、垂、俱成幢幡寶絡壁上率縷下墜  
為縷千絲繞：欲滴豈當時說法此中天花點：而  
成題曰雨在天通此層雲漱：遠望莫窮左為削壁  
上覆天蓬歸雲宿霧鐫砌而成婉然一帶展廊也在  
石路平亘杳稍展宛然函蓋之狀視虛無處俱不可  
窮但人氣大光結成虛室中一片白瑯如鷄鳴黎：  
天色向三守院曰昔人柯爛今不知曙欲旦矣題曰  
覆雲廊路長里許各上肩輿在盡更有沙堤平履燦  
然新築下與信步平軟且酌且行有淡淡靜虛無名

無相之致。亟趣酒再進。數鵬題曰：恒沙堤。盡興。殷  
殷其餘。勇興人告以水深莫測。從來游客足跡未嘗  
至此。亦謂天機神秘。不可令人淺盡。留有餘以還造  
化。可也。土人相傳此去尚有水七渡。未漸通明原。非  
經日不道。意摹之詞。自郡城至此。洞有三。一南明。一  
萬象。此為土呼。巖洞奇包。二洞餘不足觀矣。各登肩  
輿。乘輿而返。一步一燈。燈大澄。簫鼓闌。真是仙  
人。掌上碧落。初日出洞。月已過午。影掛松陰。雲接石  
骨。下嶺。易肩輿入署。雞聲鳴鳴。伏枕就夢。猶是石香  
雲潤。不知東方白矣。是日車馬在門。忽就道。激江  
試事。歲暮入省。復理西試。閣筆幾一載。偶于直指臺。

白岳翁處見別駕圖成如再七十二天或亦此洞之  
遺文責通也小春晴霽墨和筆潤勉就小記以別  
駕烘染

補羈縻

滇國自莊豪稱王至漢元狩間有嘗羗豪之裔也嘗羗謂漢使漢孰與我大武帝聞而惡之

白國之先有西海阿育王其王能登雲上天娶天女生三子長福邦次弘德季至德事見雜志阿育封長季二子于金馬碧鷄次子封于蒼洱間阿育奉佛惡殺不如葦腥是為白飯王傳至仁果以慈信治國國入世以戴之元狩間嘗羗治滇池仁果治白崖兩國角立帝嘉仁果而惡嘗羗乃以玉印冊果為滇王或寵異之遂令有全滇之地而嘗羗世絕後王然于等將兵至滇仁果舉國降郡縣其地守令治之而酋長



皆仁果子孫不尚承業不殺生命仍號白國傳世十  
五至鳳龍佐那不變其舊諡葛亮定南中仍封佐那  
於其故地賜姓張氏又移南中勁卒青羗萬餘家于  
蜀為五部所當無前號為飛軍分其羸弱配大姓焦  
雍婁爨孟董毛李為部曲置五部都尉號五子故南  
人言四姓五子也

晉祿寧州置南夷府統五十八部夷族都監行事每  
夷供貢南夷府入才金稱馬動以萬計皆豫作恣恣  
致較尉官屬其供郡縣亦然南人以為號自四姓子  
弟仕進必先經都監夷人大種曰昆小種曰突皆曲  
頭木耳環鐵裹結夷中有祭點能言議屈服種人者

謂之耆老便為主論議好譬喻物謂之夷經南人言  
論祖學者亦平引夷經與夷為姓曰違耶諸姓為自  
有耶世亂祀法輒依之藏匿或曰有為官所佞夷或  
為執學與夷至厚者謂之百世違耶思若骨肉為其  
遁逃又數故南人輕為禍變恃此也俗散玉鬼好誑  
盟役石結草官常以盟詛要之諸葛亮乃為夷作圖  
譜先畫天地日月君長城府次畫神龍、生夷及牛  
馬羊後畫都主吏乘馬幡蓋巡行安鄉又画牽牛負  
酒齎金寶詣之之像以賜夷、甚重之許致出口直  
又與瑞錦鐵券每刺史校尉至齋以呈詣動亦如之  
張氏十七代孫曰張梁進求社會之日哀牢人細農

逖在為衆祭銅柱、項有金猪焉、忽飛下衆逖左  
肩衆以為天意所屬進求乃以女妻之因以國讓之  
而隱

細農逖之父哀牢夷衆迎獨捕魚溺死江水中其妻  
沙壹哭之生于江涯感沈木生十子季子曰九隆語  
見靈異九隆死也、相繼乃分置小玉散居川谷農  
逖生于唐初耕魏山之麓數有祥異既受國于張氏  
仍居蒙舍時九隆之裔渠帥有六分據其地蠻謂王  
為詔故曰六詔農逖死子羅晟嗣當高宗上元元年  
至睿宗景雲中姚州蠻附吐蕃御史李知古擊降之  
重賦稅掠子女群蠻怨怒引攻殺知古姚雋路絕晟

僅奉正朔而已玄宗先天元年羅晟死于晟羅皮嗣  
立孔子廟于國中開元十六年羅皮死子皮羅閣嗣  
賂劍南節度使王昱請合五詔為一昱許之于是以  
兵攻滅五詔盡有雲南之地于蒼洱形勝山海之交  
結于子于遂築太和城龍首龍尾二閣自蒙舍徙居  
之遣其孫鳳迦異入朝妻以宗女賜粟一部于是始  
有中國之樂天寶八年皮羅閣死子閣羅鳳嗣攻殺  
大守張虔陀取夷州三十二陷嵩州獲唐西瀘令鄭  
回拜清平官縣于仲通將命致討逆戰西洱河殺唐  
兵六萬人仲通僅以身免此結吐蕃改國號大蒙後  
劍南留後李宓復討之至太和城全軍皆沒前後死

者二十為代宗大曆十四年羅鳳死于鳳如吳先平  
孫異年尋嗣立先居史城連吐蕃入寇為李晟所破  
乃懼改城苴咩改國號大理偕封點蒼絳雲蒙莊高  
黎貢玉龍山為五嶽黑惠濶滄潞江麗水為四瀆立  
官號曰九夷三託其地東至銅柱鎮橋歸苑王榆東  
南至交趾南至驩國木落山西至太石西北至吐蕃  
北至神川東北至黔巫八方之地屬以八演從中國  
敎令都曰苴咩別都曰善闡皆中國降人為之經書  
也後鄭回以大義說令歸唐會常阜鎮蜀招之又為  
遺書叙其歸化之誠傳至吐蕃疑為乃上表臣  
于唐自將數萬人襲吐蕃大破之遣其弟入貢并獻

吐蕃所頒金印請復號南詔朝廷遣使賜銀葉黃金  
印尋北面詔受宴使省出玄宗所賜老笛工歌女曰  
皇帝所賜龜茲惟二人在耳使者曰南詔深恩祖考  
子孫勿替蓋志聖唐對曰敢不敬使者之命貞元十  
五年異年尋死子尋閣勣嗣永貞元年尋閣勣死子  
勣龍晟嗣淫虐不道憲宗元和元年其臣裴顏殺之  
而立其弟勣利晟穆宗長慶四年勣利晟死子裴叢  
佑嗣善馭其下西川士卒有流入南詔者衣食之蓋  
得虛實用為鄉導令其臣嵯顛入寇陷戎邛崃役入  
成都取經籍珍寶大掠子女工技數萬會李德裕鎮  
四川保障有方叢佑懼還所掠四千人武宗會昌十

三年豐佑死于世隆立朝廷以其名同玄宗諱令更名然後遣使冊之世隆寇萬州事遂寢世隆乃偕號寇安南交趾殺虜十五萬留兵使楊思縉據之谿洞夷獠皆降再寇邕州為高駢所破又傾國寇西川陷嘉提黎雅攻成都不免引還再陷黎州窺邛崃攻雅州高駢改鎮蜀發兵追至大渡河擒其酋長數十人後又寇越巂死于景淨寺前後為邊患二十年中國為之虛耗而其國亦弊傳子隆舜以僖宗乾符四年嗣立改號誚宴委國事于其臣昭宗乾寧四年內嬖失道為監臣楊瑩所弒子舜化貞嗣上書于唐：欲報以詔王建言小夷不足辱詔書臣在西南彼何敢

犯塞從之舜化貞三四年其臣鄭買嗣滅之代有其國焉

鄭買嗣鄭四之後世後清平官以唐昭宗光化五年滅家氏自立改國號太長和買嗣死傳子曼舉兵寇蜀攻黎州王建發兵邀擊俘斬溺死無算求婚南漢以會城公主要之曼死傳子隆璽為偽東川節度使楊千貞所殺遂亡其國

千貞既滅鄭氏求清平官趙善政而立之改國號大天興寔後唐明宗天成三年閏十月復奪之而自立改國號大義寧貪虐無道越二年改思平率衆攻之千貞走死今蘭滄江南有萬箭樹千貞目經于此為



衆攢射後人通者必射樹為厭勝樹高百丈矢簇如  
壩

改氏之先武威郡白人至改儉魏與鳳伽異敗蚌于  
仲通於西洱河偽賜名忠國堪清平官六傳生思平  
為偽通海節度使思平生有異兆楊平貞忌之使人  
索捕思平逃匿得奇戟于品甸波大村神驤于樂鏡  
湖偕兵東方黑爨三十七部皆助之既逐楊氏改國  
號大理時為晉天福二年思平死傳子思英立未幾  
死國人立其叔思良時為後周之廣順三年思良死  
傳子素順其族屬無考當宋太祖建隆四年王全斌  
進國太祖以斧畫大渡河曰此外非吾有跡是改氏

得脫臨焚燹以長世焉太宗雍熙二年素順死傳子  
素英真宗祥符二年素英死傳子素廉天禧二年素  
廉死傳子素隆仁宗天聖四年素隆死傳子素貞慶  
曆元年素貞死傳子素興素興無道國人廢之而立  
思廉寔慶曆四年後以懷智高逃入南中狄青募死  
士入滇至其首立京師乃聞名于中國熙寧八年思  
廉死傳子連義其臣楊義貞弑而篡之凡四載改氏  
臣岳侯高智昇遣子昇大起東方兵討滅之而立青  
輝裔輝連義從子也立二年傳子正明寔宋元豐五  
年時高氏以功國人歸心正心避位為僧國人遂立  
高昇泰為主而改氏中絕

昇泰又立以宋哲宗元符二年改國號曰大中國臨終屬其子泰明日改氏不復國人推我不得已從之今其子已長可還其故物爾後人勿效尤也及卒大明求改氏餘子正淳立之而高氏世為之相波斯完備諸國求貢人埋皆先謁之稱國主焉

正淳後國改稱後札國遣高太連朝宋求經籍徽宗大觀二年避位為僧傳子正徽年四十載亦為僧傳子正興時高宗紹興十七年至孝宗乾道八年又為僧傳子智興寧宗慶元六年智興死傳子智連開禧元年智連死傳弟智祥理宗嘉熙三年智祥死傳子祥興元兵來攻祥興逆戰敗死宋遣使弔之元憲宗

元年子興智立元世祖受命憲宗代大理興智及高  
泰梓桓戰大敗世祖斬泰梓虜興智而滅其國

元設大理都元帥府仍隸段氏子孫世守之赦興智  
封摩訶羅嵯管領八方其後中原多故段復據大理  
稱總管一代總管段實二代段忠三代段慶四代段  
正五代段隆六代段俊七代段義八代段光當元  
大德中原板蕩梁王以宗室鎮善闡與段氏分域構  
隙大破光兵光將高蓬守羅那關梁王密招之不從  
乃賂庖人刺蓬以其首獻梁王并庖人殺之九代段  
功以正至十二年繼為總管明玉珍寇雲南梁王及  
憲司皆奔威楚諸部悉亂功進兵呂聞敗玉珍于關

雖玉珍收餘劔再戰殺段氏驍首鐵為尸也古田寺  
段氏大之珍軍亂死者什七八又追至回燈關大敗  
之獲玉珍母自蜀寄軍中書言務得南中切使楊洲  
海更其辭令早還功得書遁歸功又追之至七星關  
玉珍大挫梁玉感功退大敵以女阿媛妻之功安焉  
其夫人高氏促以梁府一章雙歸大理後往為梁王  
壽其下楊智張希喬留行再三不聽至善闡梁王疑  
之寄居阿媛出孔雀胆一具令墮之猛不受私濟其  
語令西歸功曰我蹶而傷趾爾父親為我裏之何遽  
至此不聽明日還功束寺演梵至通濟橋為逸番將  
格殺之子寶嗣為十一代總管梁王遣天刺七攻大

理不克乃和未幾明玉珍復使善聞果玉遣鐵木的罕偕其寶客書悖慢聞

高皇聞基金陵遣其叔段貞奉表歸族寶死子世嗣天兵定善聞世遣張元亨馳書請依唐宋故事穎川侯榜辱其使追師擒世并其二子

高皇賞之賜二子名歸仁歸義為雁門武昌兩衛鎮撫

五詔之并予南詔各有本末滇載稱皮羅閣建松明為樓會五詔舉火焚死遂滅五詔非也

蒙高詔取大其王照原卷明于原羅為貢于南詔降義欲并其國知原羅闇弱乃降之衆立原羅居數月

使人赦照原逐原羅遂有其地

越折詔張彙蔥山一日貞元中彙酋張尋求悉其王  
波衝妻因殺波衝劍南節度使召尋求至姚州殺之  
部落無長以地歸南詔波衝死子于贈持王所寶  
鐸鞘東北渡瀘邑于龍佑河統百里號雙舍使部酋  
楊墮居河北歸義樹壁侵于贈閣羅鳳擊楊墮破之  
于贈投瀘宛得鐸鞘南詔出軍則雙執之

浪穹詔其王鐸羅望為浪穹州刺史與南詔戰不勝  
挈其部保劍川更稱劍浪三傳至羅君貞元中為南  
詔所虜徙永昌浪穹遂朕劍川總謂之浪人亦稱三  
浪

達賧詔其王豐咩為李知古所殺子咩羅皮自為達  
川州刺史治大磴城歸義襲敗之復入達賧及浪穹  
施浪與歸義戰大敗走保野共川三傳至顛文託南  
詔虜之從永昌

施浪詔其王施望久居矣苴和城有施各皮者居石  
和城閭羅鳳攻虜之施望久孤立乃與咩羅合攻歸  
義不勝歸義以兵脅降其部施望久舉族走永昌獻  
其女以丐和歸義許之渡蘭江兄弟望千走吐蕃吐  
蕃以萬人納之劍川望千死子千旁羅顛立南詔復  
攻破之千旁羅顛走爐北

先是有時傍矣川羅識二族通號八詔時傍母歸義



其也其後妻閻羅鳳初咩羅氏之敗時傍入居邊  
川州誘上浪千餘勢稍張為閻羅鳳所猜徙置白崖  
城後與矣川羅織詣神川都督求自又為詔謀泄被  
殺矣川羅織奔神川都督送之羅也城

南詔建國立祀國事八人曰坦緯曰布突曰九贊曰  
酋望曰正酋望曰員外酋望曰大將軍曰員外立九  
與分理曰幕與主矣曰察與主籍戶曰慈與主札曰  
罰與主刑曰勸與主官人曰厥與主工作曰萬與主  
財用曰引與主客曰承與主商賈皆清平官酋望大  
將軍兼之又三託曰乞託主馬秣託主牛臣託主倉  
廩大府主將曰演習副曰演覽中府主將曰繕齋副

曰繕寬下府主將曰澹酋副曰澹寬小府主將曰纂

偽副曰纂寬府有陀酋若管記曰陀西若判官王母

曰信麼妃曰進武外有六節度曰銀生曰永昌曰烈

川曰弄棟曰柘東曰麗水又有東川節度王暎順通

海節度改恩平有二都督曰會川曰通海有十賧曰

雲南賧曰白崖賧又曰初曰品澹甸曰遮川賧曰蒙

舍賧曰大登賧又曰曰苴羊賧又曰曰蒙秦賧曰矣

和賧曰趙川賧人丁壯者皆為戰卒王之親兵曰未

弩佉苴苴兵百人置羅苴子統之自當衣以降繫

金佉苴尚絳紫有功者加錦又有功加金波羅虎皮

兵出以望苴蠻前驅以清平子弟為朋儀王左右有

羽儀長八人清平宮見王不得佩劍惟羽儀長佩之  
為親信有六曹長六曹長有功補大將軍十二與清  
平官等

唐祠部郎中袁滋持節領使以成都少尹龐頴為副  
崔佐時為判官俱文珍為宣慰劉幽巖為判官至大  
和城吳年尋遣兄蒙細羅勿等以良馬六十迎之金  
錢二珂兵振鐸夾路陳吳年尋金甲蒙虎皮執雙鐸  
鞘執赤千人衛大象十二引于前騎軍徒軍以次列  
詰旦授冊吳年尋率官屬北面立宣慰使東向冊使  
南向乃讀詔冊相者引吳年尋去位跪受冊印稽首  
再拜又授賜服備物

諸夷酋之受中國爵號者仁果母波已見官師南中  
志載孟獲建寧郡蒙魏人以勇畧著諸葛亮平南中  
收用蒙傑以獲素為夷漢所服收為官屬仕至御史  
中丞

舊志

志未入蒙化卿雙列傳今刪之有說見卿雙傳

蒙氏細奴邏遣子入

朝高宗授魏州刺史

皮羅閣初授特進封臺登郡

王賜名歸義後以破吐蕃及泝夷遣中使冊為雲南  
王賜錦袍金鈿帶七事 鳳迎異初入宿衛拜鴻臚

少卿後為楊瓜州刺史

異牟尋遣尸仇寬等入獻

地圖方物諸後魏南詔唐封仇寬左散騎常侍封高  
溪郡王冊異牟尋為南詔王賜黃金印文曰貞元冊  
南詔印 尋閣勸立改賜元和印章 勸龍晟為王

嵯巔所殺立勸利晟唐遣少監李詵為冊立弔祭使  
長慶三年賜印豐祐立穆宗使京兆少尹常審規持  
節臨冊 改實當元世祖時累受行省叅知政事以  
改石城仁德二城功錫虎符總管大理善闡建昌會  
川永昌騰越諸郡 段忠從征西林休林會川緬甸  
授金齒宣慰兼管軍民萬戶府 段慶封宣武將軍  
授雲南省叅政 段光初為蒙化府知府卻明玉珍  
梁王奏授雲南平章 段寶與梁王和奏授雲南左  
丞其目為僭偽者細農遜自稱奇王偽謚高祖羅晟  
偽謚世宗晟羅皮偽謚威成王閣羅鳳歸吐蕃立為  
東帝未敢自稱帝也偽謚神武異年尋自稱日東王

偽諡孝恒尋圜勸偽諡孝文勸龍晟偽諡幽勸利晟  
偽諡清豐晟祓偽諡昭成皆以王稱至世隆偕號偽  
諡景莊隆舜偽諡宣武舜化貞偽諡孝哀皆偕稱皇  
帝 鄭買嗣偽諡德桓鄭旻偽諡肅文其號無所考  
段思平偽諡太祖思英偽諡文經武曷素順偽諡應  
道素英偽諡昭明素康偽諡敬明素隆偽諡秉義素  
貞偽諡聖德思康偽諡世宗正淳偽諡中宗正嚴偽  
諡憲宗止興偽諡景宗智興偽諡宣宗智達偽諡享  
大智祥偽諡神宗祥興偽諡孝義皆偕稱皇帝蒙氏  
自細奴邏至舜化貞十有三世歷三百十年鄭氏自  
買嗣至隆實三世歷二十六年趙善政立十月楊干

貞立二年改元自思平至智興二十二世歷三百五  
十年自開羅鳳降吐蕃始有年號曰替普鍾異年壽  
改元曰見龍曰上元壽闕初改元應道勸龍歲改元  
建極隆舜改元曰貞延曰嗟耶舜化貞改元中興鄭  
買嗣改元安國鄭昊改元曰始元曰天瑞景星曰安  
和曰貞祐曰初曆鄭隆實改元天應楊千貞改元尊  
聖改思平改元文德思良改元曰明德曰廣德曰聖  
德素順改元明正素英改元曰廣明曰明應曰明聖  
曰明德曰明治素廉改元曰明啟曰乾興素隆改元  
曰明通曰天聖素貞改元正治素興改元曰聖明曰  
天明思廉改元曰保元曰政安曰正德曰明德連義

改元曰上德曰廣安壽輝改元土明正明改元曰保  
立曰建安曰天祐高昇太改元上治改元淳政元曰  
天授曰開明曰文安正嚴改元曰日新曰永嘉曰保  
天曰廣運正興改元曰永貞曰太保曰龍興曰盛明  
智興改元曰利貞曰盛德曰嘉會曰元亨曰安定智  
連改元鳳曆智祥改元曰天開曰仁壽祥興改元道  
隆興智改元天定至壬子歲元城大理乃奉正朔  
元史緬國列傳世祖十四年三月緬人以阿朮內附  
怨之攻其地欲立峇騰越永昌之間時大理路蒙在  
千戶忽都大理路總管信苴日總把千戶脫羅脫孩  
奉命代永昌之西騰越蒲縵阿昌金齒未降部族駐



師南旬阿木吉忽都等晝夜行與緬軍遇一河邊  
其衆約四五萬衆八百馬爲匹忽都等軍僅七百人  
緬人前乘馬次衆次步卒衆披甲背負戟槊兩旁扶  
大竹筩置短槍數十于其中衆者取其擊刺忽都  
下令賊衆我寡當先衝河北軍親率二百八十一騎  
爲一隊信直日以二百二十三騎傍河爲一隊脫羅  
脫後以一百八十七人依山爲一隊交戰良久賊敗  
走信直日追之三里抵寨門旋濬而退忽南面賊兵  
萬統出官軍後信日直馳報忽都復列爲三陣進至  
窄山口轉戰三十餘里賊及衆馬自相蹂死者盈三  
巨溝日暮忽都中傷遂收兵明日追之至千額不及

而遂捕虜甚衆軍中以一帽或一兩靴一建衣易一  
生口其脫者又為阿朮阿昌邀殺歸者無幾官軍虜  
傷雖多惟蒙古軍復一衆不得其性被擊而斃餘無  
死者

吐蕃在雲南狹橋之北一名古宗一名西蕃一名細  
腰蕃在唐常詔雲南詔不能勝讓之為元後剌南  
節度提南詔兵將其穴巢斬首數十萬永斷狹橋自  
是不復為雲南患至

本朝

高皇帝既平雲南遂裂吐蕃為二十三支分屬郡邑  
以麗江控制古宗永寧北勝控制諸蕃麗江北境復

興虜接近者木氏安以兵捕虜拓地歲增差發大麥  
有差南園錄稱其情也獨久其俗無地理風水陰陽  
吉凶之選而自唐至今十餘年有土有官蓋蕃且盛  
蓋天生木氏禦西戎為中國臣木氏世守臣節而順  
天道宜其長世此亦可為諸夷有土有官者告也

唐書永昌南有茫天連茫縣茫施皆棲居無城郭有  
金齒銀齒漆齒三種以燕及綏金銀飾齒寢食則去  
之今茫市長官司大伯夷以榴皮及葉染齒使黑初  
黑金銀綵飾及寢食脫去之說永昌郡傳尾濮穿空  
以安其尾廣志濮有折腰割脅九州記哀牢人渠帥  
并至頭三寸而夷志穿鼻黃在極東以徑寸金環穿

界中隔下垂通順又有長繫棟榦皆謬妄不經雖承  
勝徽外至焚夷盡境耳目睹記所絕無也

交趾唐先克之漢州之建吳割據亦然宋不競始夫  
迄元之強大亦不能卻懲人如漢也我

朝永樂初破交趾立布政司以復漢舊偉矣尋又棄  
為外國豈地合敵自有數抑人謀又不臧也永昌有  
指彈調自交趾歷三世而家之明珠獨異等飯則凡  
所以失民心而不可復者其以吳耶今黎氏竄於海  
濱尚據數郡莫氏之境與廣南富州接又有交岡者  
介乎渙交之間蓋彼亦裂而為三矣交人皆左袵蓬  
跣長杖在鏡與象臨安諸土司足為打敵尚未煩內

地備禦也

焚夷之地西南際海海行五日至佛代國阿育國大秦國伽盧國泛海有至伽盧國者述其事曰土熱衢路植椰子檳榔仰不見日王后以金銀為髻尾以香木為妝奩瑠明珠有三池以金為階升梯皆飾金寶驛王姓因沒長名摩羅惹其相名曰摩訶思那王出與以金絕跡遠則乘象婿史教百人育髻為圓城周百六十里有十二門四隅浮圖民皆居中鉛錫為瓦荔枝為材俗惡殺拜以手抱臂稽顙為恭明天文嘉佛法有百寺琉璃為甃錯以金銀丹彩紫鑲金地覆以錦罽王居亦如之民七歲祝髮止寺有不達其

法後為民衣用白毳朝霞以繫帛傷生不敢衣戴金花冠冕冠絡以雜珠玉宮設金銀二種冠至梵香擊之以占吉凶有臣白象高百尺訟者焚香跪象前自思是非而退有災疫王亦焚香對象跪自答無枉枉有罪者束五行桎背重者五輕者三殺八則死土宜椒栗稻粱蔗大若股無麻麥以金銀為錢形如半月號發伽陀亦曰足禪陀俗無膏油以蠟雜香代炷與諸糞市以江猪白氈琉璃罽毼相易婦人當頂作高髻飾銀珠琲衣青婆裙被眾段行持肩賣家者常至五六近城有沙山不毛地亦與波斯婆羅門接距西舍利城二十日行西舍利者中天竺也南詔以兵疆

地接常羈制之夷亦有美俗一切借貸賒備通財期約諸事不知文字惟以水刻為符各執其半如約酬償毫髮無爽如有不平赴酋長口訟以石子計其人之過酋長因而訓之使改不改則死惡殺酋長侵伐則從以為死乃分之當然有紀律所通不犯一草閨門嚴婦人既嫁婿有言其婦外窺者婦父母親戚掘地縛而埋之以為辱宗夫死不嫁自稱鬼妻授藝紡績有織大布者機闊八尺口誦佛號乃織一梭婦人敬夫進食必叩頭至地人敬酋長雖在暗室開通必跪拱手如額兩酋爭戰既久勝負未分有僧入陣止之邀嚴戰而歸其自稱國號皆唐虞之舊是知封建

之法薄海內外皆有之史臣乃謂唐地道三代何其  
謬哉

張華博物志曰南海短狄木及西南夷以竊斷金泛  
南海至天竺者不絕也

杜子美詩家：秦烏鬼舊說烏鬼為鸛鷀吟齋夜詔  
云川峽路人家多祀烏蠻鬼故云按烏蠻即黑蠻也  
雲南記新安夷婦人于耳上懸金環于懸貫瑟：恒  
於髻側又繞腰以螺蛤懸穿繫之謂為珂珮  
風俗記夷中最仁者焚故焚字從人秦記所謂焚僮  
之畜也

宛委餘編云甲戌余從興蜀國所以祿焚全文合參



脊九譯而書之今繇明王慎德四夷咸賓八字以見  
同文之盛云爾 百夷字亦多見 緬甸  
今樊蠻亦有字形如𠵿𠵿阿𠵿所製也漢有緬字生  
几微外有貢夷至則召而譯其文有緬字館在布政  
司東南為講習之所今已圯

補靈異

哀牢九降世世相繼分置小王往來邑居散在巖谷

絕域荒外山川阻深生人以來未嘗交通中國東漢

建武二十三年其王賢栗遣兵乘軍船南下江漢擊

附塞夷鹿夢

軍音蒲佳反時竹本為軍以當船也夢音多其種今見在

鹿夢人弱

為所擒獲于是震雷疾雨南風飄起水為逆流翻涌

二百餘里軍船沉沒哀牢眾溺死數千人賢栗後遣

其六王將萬人以攻鹿夢王與戰殺其六王哀牢耆

老共埋六王夜虎復出其尸而食之餘眾驚怖引去

賢栗惶恐謂其耆老曰我曾八達塞自古有之今以

鹿夢輒被天誅中國其有聖帝乎天佑助之何其明

也二十七年賢來等遂率種人戶二千七百口爲七  
千六百五十九詣越雋太守鄭鴻降求內屬

永元九年徵外蠻及徼國王雍山調

詳音禮東重譯  
魏作壇

奉國珍異永寧元年復遣使者獻樂及幻人能變化  
吐火自文解易牛馬頭人善跳丸數乃至千

王千年拾遺記魏明帝即位二年起靈禽之園昆明  
國貢嗽金鳥人云其地去燃洲九千里出此鳥形如  
雀而色黃羽毛柔密常翱翔海上羅者得之以爲至  
祥開大魏之德被于遐遠故越山航海來獻大國帝  
得此鳥詔以珍珠飲以龜腦鳥吐金屑如粟鑄之可  
以爲器皆漢武帝時有人獻神雀蓋此類也

黃龍元年吳都武昌時越雋之南獻背明鳥形如鶴  
止不向南巢常對此多因必毛聲音百變開鍾磬笙  
等之聲則奮翅搖頸時人以為吉祥是歲遷都建業  
殊方多貢珍奇吳人語訛呼背明為背亡國中以為  
大妖不及百年常有喪亂皆叛滅亡之事獻逸奔逃  
墟無烟大巢如斯言後此鳥不知所存

博物志云邛都川都王蒙儻死氣未絕其妻子以錦  
數尺相續繫死者曳之于地置數十里外高山令氣  
絕乃復以錦彼裹而埋之會其族哭之石作鬼親守  
邛州夷人說其事

黎川圖經云有聖鐘山古老相傳山有鐘開有聲而

形不見南詔祀境鍾則預鳴唐天寶太和咸通乾符  
之載群蚩米寇皆有徵也

嶺表錄異云貞元中縣園進菜有銅鼓咸通末龔州  
刺史張直方因葺城池掘得一銅鼓捨于延慶以代  
木魚僖宗朝林藹守高州鄉野牧童開田中蛤鳴欲  
進捕之一蛤躍入穴中掘而取之得一銅鼓其上隱  
起多錯陸龜之狀蚩鳴蛤乃銅鼓之精耶

寰宇記云滇池黃澤江有大蛇名曰青蔥好食人又  
有大蛇藏樹上伺鹿過繞之鹿死乃吞焉吞了蛇亦  
繞樹其角骨亦墮皮而出蛇亦殆死瘡差更吞之  
文獻通考唐太和三年南詔園成都毀玉晨殿為福

有吼聲三乃止

鮑昭苦熱行舍沙愁射影吹蠱扇行暉南中畜蠱之家蠱昏夜飛出飲水先如曳琴所謂行暉也又選注行暉行旅之暉非也

段思平逃難隱姓名為獵者以一大自隨至品甸役宿逆旅主人舍中有戟一枝主牛革四疊思平夜卧風忽起吹倒其戟洞貫牛革思平驚曰是何鉅利鏑神戟耶及明問主人曰汝置戟何為曰防盜耳思平曰防盜行路莫若戟居家莫若犬今我行爾居頭以大易戟主人許之以留犬取戟以去地名波犬以此思平飢摘野桃剖之核膚有文曰青首思平拆之青

乃十二月昔乃二十一日今楊氏致亂吾當以是日  
舉義乎遂偕兵黑翼三十七部皆助之至洱海是夕  
夢人斬其首人夢玉瓶耳缺鏡破懼不敢進兵其軍  
師董迦羅曰三夢皆吉兆也公為大夫夫去首天子  
兆也玉瓶去耳為王王者兆也鏡中有影如人有敵  
鏡破則無影無影則無敵矣思平乃決明旦引兵欲  
渡莫知所從見江尾一婦衣白被纓而流者指曰人  
從我江尾馬從三沙矣爾國名大理從之得濟既遂  
楊氏而有蒙國遣人于江游覓白衣婦不獲掘地中  
得白石大士一尊遂改國號曰大理

尹偃者蜀將也其營有卒脫黑後數刻偃將責之卒

被酒自理高聲偃怒杖數十幾至死卒弟為營典素  
友愛不平偃乃以刀脅肌作殺尹兩字以墨涅之偃  
陰知乃它事杖殺典及太和中南蠻入寇偃領眾數  
萬保邛崃閑偃臂力絕人常戲左右以冬節擊其脛  
隨擊節漲攔腰初無痕縫恃其力悉眾出閑逐蠻數  
里蠻伏發夾攻之大敗馬倒中數十槍而死初出閑  
忽見折殺典擁黃案大如轂在前尹心急之問左右  
咸無見者竟死于陣

元馮夢弼為八番雲南宣慰司令史常因公差抵一  
站日已莫矣始更止行問其故閉目握手不敢言馮  
怒不從夜行至大溪忽見一物如屋為刺亦下馬蹶



注若告訴狀呼問何物亦閉目搖手不敢言馮乃下馬視之其物轉入溪中腥風臭霧觸人口鼻比曙抵前站：吏驚曰今夜馬判上听麻線何以得過問馬判何物曰馮媒精也後夢弼官至禮部尚書方言官人曰麻線站後之牧馬者烏判赤

水經注大山似火從地中出名曰焚臺今南中往往有之積陽之氣所產固非恆異

唐李賀以詩卷謁韓退之韓署卧方倦欲使閤人辭之開卷乃雁門太守行讀其有句云黑雲壓城：欲摧甲光向日金麟開遂奇之乃束帶出見宋人介甫云黑雲壓城時豈有向日之甲光楊用修曰凡兵圍

城必有恆雲變氣昔人賦鴻門有東龍白日西龍雨  
之句解此意矣予在滇恆安鳳之變居園城中見日  
暈兩重黑雲如蛟在其側始信賀詩之善狀物也  
天順初武功伯徐公有貞謫永昌居法明孝之歸休  
庵士欲見之者候至已刻因詢諸僧僧云公每夜礼  
半至三鼓後方寢好事者訪其錄曰公為巡撫時聞  
一老僧善相且前知因訪之至則老僧不為礼公甚  
怒老僧曰茲來吾能救公一死何怒欲逐公驚其言  
強坐僧曰公此去官極品由文轉武但亦遭極刑公  
懼乃請於老僧授以法令必急方行後順天改元公  
以功為武功伯入閩尋為石亨所陷置獄明日將行

刑其夜大風吹折大明門椽下馬群亦吹去公遂得  
謫

孫清隱公維魯幼有疾夢漢壽亭侯授以左氏春秋  
覺而疾愈讀之遂成誦

黃公鳳翔為曹郎值早朝誤聽更漏出始三更見馬  
前二人執群曰黃知府來既而至一家二人從雙窗  
入令從者識其處比明探之其家有以疾死者黃官  
止重慶府知府

雲南布政司濟用庫副使李春榮督梓  
雲南武定府儒學生員龍允升

雲南府儒學生員劉惟馨

繕寫通史孟頴誥 楊恩選

張堯官 徐汝選

承行志書吏周師堯

刊志匠顏陳 信 王家相

滇志卷之三十三終